

## **OBRAZLOŽENJE naših aktivnosti povodom takmičenja "DROGA? - RECI NE I OSVOJI" čiji je organizator BH Telecom d.d. Sarajevo**

**Povodom takmičenja "DROGA? - RECI NE I OSVOJI" čiji je organizator** BH Telecom d.d. Sarajevo (Obala Kulina bana 8, 71000 Sarajevo), a u cilju promoviranja BH Telecoma kao firme koja pokazuje svoju opredijeljenost za brigu o mladima te njihovu edukaciju i angažman u borbi protiv narkomanije, priključila se i naša škola – OŠ „Pazar“. Uvidjevši da je ovaj problem, na žalost, jako prisutan u našoj zemlji, odlučili smo biti aktivni sudionici ovakvog jednog projekta.

Na sjednici Razvojnog tima naše škole i Vijeća učenika OŠ „Pazar“ usaglasili smo se da prihvatimo učešće u ovakvom projektu, koji predstavlja dobrobit za cjelokupnu našu zajednicu, a naročito za mlade u našoj školi.

U cilju tih namjera pokrenuli smo niz aktivnosti na nivou naše škole kako bi našim učenicima približili i predstavili što bolje ovaj gorući problem.

Aktivnosti koje smo poduzeli i realizovali:

- 13. 11. 2006. god. u OŠ „Pazar“ u Tuzli organizovano je predavanje na temu Droga (**Predavači su bili predstavnice Edukativnog centra JU Doma zdravlja Tuzla, Hrustić Meliha, Omanović Spomenka i Jakobović Bahija, više medicinske sestre.** Svrha predavanja je da se mladi upoznaju sa problematikom upotrebe narkotika, **odnosno prevencijom i liječenjem**) – **Predavanju su prisustvovali učenici 7-ih i 8-ih razreda naše škole.**

- Obavljen je intervju sa **Spomenkom Omanović, viša medicinska sestra JU Doma zdravlja Tuzla (intervju će biti objavljen u našem školskom listu „Pazarko“, te objavljen na našoj web stranici: [www.ospazar.org](http://www.ospazar.org))**
- Predstavnice Edukativnog centra JU Dom zdravlja Tuzla obavile su i anonimnu anketu (anketa je poslana u prilogu)
- Napravljen je pano na kome se fotografijama nastojalo predstaviti jednodnevno predavanje na temu DROGA, koje su za našu školu organizovalo Ju Edukativni centar JU Dom zdravlja Tuzla.

- Napravljen je i poster na kojem smo željeli predstaviti kako droga uzima **život, mada ipak nagdje postoji tračak svjetlosti koji predstavlja nadu za „novi“ život (poster uradila učenica 8a razreda naše škole – Sabrina Čilinković)**
- Sav materijal je postavljen u holu škole, a na školskom razglasu je i za **ostale učenike održano predavanje na temu Droga.**
- U narednom periodu imamo u planu održati niz predavanja na ovu temu za niže razrede **naše škole, kao i roditeljima naših učenika.**

